

湖湘

〔清〕饶任 修 旷敏本 纂

乾隆 衡州府志 二

湖湘文库编辑出版委员会 岳麓书社

文库



〔清〕饶佺 修 旷敏本 纂

乾隆
衡州府志
①

湖湘文库编辑出版委员会
岳麓书社



湖湘文库
甲编

图书在版编目(CIP)数据

衡州府志/(清)饶佺修;(清)旷敏本纂.一影印本.

—长沙:岳麓书社,2008

ISBN 978-7-80761-120-2

I.衡… II.①饶…②旷… III.衡阳市—地方志—清代
IV.K296.43

中国版本图书馆 CIP 数据核字(2008)第 203550 号



湖湘文库

湖湘文库编辑出版委员会

(乾隆)衡州府志(一、二)

修者 [清]饶佺
纂者 [清]旷敏本
责任编辑 曾德明
整体设计 郭天民
出版发行 岳麓书社
地址 湖南省长沙市爱民路 47 号
电话 0731—8885616(邮购)
邮编 410006
网址 www.yueluhistory.com
印刷 长沙健峰彩印有限公司
装订 长沙健峰彩印有限公司
版次 2008 年 12 月第 1 版第 1 次印刷
开本 960×640 1/16
印张 51
字数 640 千字
书号 ISBN978-7-80761-120-2/G·682
定价 150.00 元

ISBN 978-7-80761-120-2



9 787807 611202 >

湖湘文库
PDG

衡州府志卷之二十四

知衡州府事豐城饒仝重編

人物下

儒林

唐

李寬衡陽人元和中勅石鼓書院以為讀書之所刺史呂溫有題尋真觀李秀才書院詩

宋

趙棠衡山人少從胡宏學慷慨有大志嘗見張浚於督府浚雅敬其才欲以右選官之棠不為

衡州府志

卷之二十四 人物儒林

一

屈果以策言兵事浚奇之命子斌與棠交

廖候字季頌衡山人淳熙間朱子出監南嶽俶與族弟謙共遊其門

廖謙字益仲衡陽人從朱子講學於南嶽朱子教以打破舉子程文應用詩文之厄理會學問謙毅然承之

侯宜衡山人少遊四方好與名士交還家築室

一區俾遊學者往來館焉時湖南道學最盛遊學之士踵至如歸宜館處之二十餘年不倦

近稱為松林處士

李士真衡陽人至道中會境內儒流講學於石鼓書院重加修建上聞賜額

秦誼安仁人字公肅深明理學學者尊為南澗先生

蓋卿所纂也

王居仁常寧人與龔蓋卿同時執經張斌之門

追詣良深既登進士遂隱居不仕自號習隱

元

衡州府志

卷之二十四 人物儒林

二

劉彰壽字壽翁衡山人幼穎悟弱冠負才偉辟

衡山縣教諭樂衡山士習之美遂留居焉嗣登

第賜同進士出身歷官淳安縣尹代還踰年卒

將屬續語門人劉延傳曰生順死安無遺憾也

第老母不得終養孫圭幼未之學子教之而成

吾受子賜言訖乃填葬衡山先塋之原所著有

四書提要春秋擇存諸書在淳安時幅巾深衣

每月初吉陞坐講書士風丕振

尹起莘鄱縣人性樂間適不慕榮利以讀書談

道自怡至元間以孝行聞時宰舉領學事先是

學在治西莘乃徙於治東

蕭元益字楚材安仁人舉鄉薦升太學好學博

古文辭疏暢嘗著四書演義編洙泗大成集

明

廖思敬衡陽人洪武間以明經舉任本府儒學

訓導轉常州府學教授永樂詔修性理大全書

思敬與焉

杜文德衡陽人洪武三年以明經舉任本府儒

學訓導時知府高從訓建學校拓地基皆文德

為之贊翊

衡州府志

卷之二十四 人物儒林

三

鄭漢未陽人太祖時以儒士被薦授本學訓導

以才器稱建文中黜為民永樂四年召至京念

其老不復重勞以政特賜冠帶宴賞仍以舊職

致仕

李珍字席珍未陽人以諸生遊學荆揚閒可成

湛甘泉與之講論道學畱入觀光亭生徒畢集

名重一時所著有性理太極圖說中庸脉絡圖

說

寧成衡陽人自少即能為古文詞肄業成均志

在講求正學嘗構共學軒以處生徒所著有易

編論語類補全楚會錄說輻輳樓閣記又居

所後父母之喪作為人後論難成穎慧天授學

探本原蓋人倫之模楷也

周允昌字元純號易庵衡山人少穎秀從其父

南華讀書南嶽慕芙蓉紫蓋之勝因誅茅家焉

作易說言天地間滿眼是易水流風動花發鶯

鳴無非易者學人在此一動即落一爻考亭所

謂不看本文自成一書者是已為人豪俊有學

有行事親孝父沒廬墓孺慕終身

廖汝恒號密齋珊之孫嘉靖戊午領鄉薦介湖

衡州府志

卷之二十四 人物儒林

四

口縣有惠政以養母乞歸從李見羅徐巨歡討

究性理嘗購義田贍族葺館城南為講學地監

司郵雲霄雅相引重時有兄弟訟產者雲霄令

就質於汝恒汝恒告以至性大義兄弟感泣翁

合如初著五經新編為人懿則諸書

王萬善號楚鳴衡陽人嘉靖辛酉鄉試第一志意高遠

淡於世味聞新安陳宏忠講心性之學遠道叫

謁歸坐一室覺方寸澄泓欣然有得也同遊者

慕其冲和比之黃叔度

李繼宗字孝卿衡陽人性寬簡初任渠縣教諭

陞國子助教善誨人館中士多就其講尋拜監
察御史

唐書

尹應衡號蘭亭鄒縣人少好學博極群書屢困
棘闈以明經授東安訓導鬱鬱不得志時邊扈
孔棘兵賦高困衡蒿目時艱草萬言疏併輯聖
學聖政紀要等書詣闕上之以疾卒於京邸賈
志以沒所著有四書經世宏業蟋蟀吟等書

本朝

彭齡字小鏗庠生衡山人少通五經尤精春秋
學淹貫三傳折衷於程伊川胡文定斥春秋繁

衡州府志

卷之三十四 人物儒林

五

露為履書所批闕不下數十家桂檣淡勤於藝
子晚歲尤日摘經書疑義反覆解說喜吟咏曠
然有絕塵想駿園集其一瓣也

文苑

唐

曹松字夢徵衡陽人學賈島為詩天復初及第
同時王希羽劉相柯榮鄭希彥皆年七十餘時
謂五老榜補校書郎

宋

廖僑衡山人天禧進士好古能文所著有朱陵
編洪範封建二論

廖倚僑弟也博學多才舉於有司不第與四方
名公鉅卿遊歐陽修嘗為文送之

衡州府志

卷之三十四 人物文苑

六

葉蓋耒陽人熙寧中試才難賦魁上庠後知郴
州

廖正一字明略衡山人讀書鳳凰山深造獨得
為文汪洋浩肆藻采煥發黃庭堅深器之與晁

補之並厚國士元豐二年登特彥榜進士初授
華陰司理累官端明學士出知常州蘇軾左遷

黃州團練而范純粹亦安置鄂州正一與之交
遊最善

李龍金字子淵安仁進士博聞強記學者宗之
劉夢應字定卿安仁人性敏好學以文鳴於時

元

何克明 元延祐丁巳中湖廣鄉試第一
武昌邱堂文詞瞻麗時稱邱何廷試復第一所
著作為世傳誦

趙洪字元德其先臨淄人徙衡山年七歲以父

蔭補承奉郎明年中童子選舉累官右文殿修

撰刑部侍郎至元十五年起為湖南宣慰使

蕭楚芳字君蘭安仁人博聞強記舉明經授郴

縣山長學者宗之

陳元明字伯元安仁人登進士授長沙丞道州

衡州府志 卷之二十四 人物文苑

錄事博涉經史長於文事

明

尹廷實鄱縣人洪武初以明經領本縣學事十

二載應文學行藝科陞衡州府教授

鄧偉奇字子才安仁人博學善文章中洪武乙

丑會試授翰林修撰刑部主事先是洪武四年

辛亥開科至是始復臨軒之制時與試者四百

七十二人擢丁顯第一偉奇次之

金良字玉相衡山人性雅淡不慕榮利年十八

領鄉薦再上春官不第遂不復出徜徉山水間

以詩文自適

趙廷珪字玉器衡陽人博學好古貢大學歸附

門窮經老而彌篤

謝字字伯寬衡陽人以軍籍隸順天童時極聰

慧能詩召試墨梅詩稱旨命入國學授中書舍

人累官至工部左侍郎掌通政使司事宏治間

兩充廷試讀卷官在位四十年清裁雅望朝論

共推宏治六年卒賜祭葬字善楷書亦工繪事

子汝暘進士官知府孫賜舉於鄉

朱希賢字懋修先世從戎衡州遂入衡籍經術

衡州府志 卷之二十四 人物文苑

宏博尤達於詩早歲領嘉靖戊子鄉薦隱居不

仕人稱為篤行君子

王臣衡陽人號虹橋中嘉靖己酉鄉試為衡守

蔡白石所自拔士知阜城以興革事上請不合

毅然解組有羸得清風携兩袖蕭蕭煙雨賦歸

來之句

何道求號六 元狀元十一世孫隆慶

庚午舉人性剛介官正高合潔己愛民蒞任九

月即投簪歸茹貧自守

鄭祖明未陽人補國子生司成澹其泉雅相器

重歸與邑人講論道學遂厭住進邀遊山水吟咏爲樂時巡撫顧璘巡按姚虞副使李鳳翔相與倡和

陳紹夔字贊虞未陽人事繼母以孝聞天啟丁卯見知於學使虞公次年膺恩選鼎革後總漕屈盡美聞其名將以府佐題授固辭著詩文集

徵卷

歐從龍膺之子弱冠補弟子員學使董其昌深器之母早卒事庶母能孝父遺產多歸庶弟貌溢而莊人親而憚之比爲冬日朝煦詩鄰緇挾

衡州府志

卷之二十四 人物文苑

九

冰聲也雅好義貧不能婚葬者傾囊助之晚營別業花藥山側種竹蒔花屢空恬如也

周隱士字令公鄱縣籍衡陽人七歲善屬文十六爲鄱縣弟子員又十年膺貢選鍵戶著書以見志乍又貫經傳子史斟酌曲當嘗過夷門弔西山謁闕里探禹穴所至輒有題詠纂修北通州海鹽暨楚省衡郡諸志再遊浙中訪賢論學歸而汎引後進教人以法當潰卒充斥時父社被掠泣求身代殫卒義而釋之迨父病卒躬舁白刃踏層冰扶櫬營葬如禮事母孫尤以孝聞

蕭丹山未陽人以神童名十歲善誦文工大字

李昌衡陽人以貢授教諭性恬淡博學工詩

陳學益未陽人邑學生淹貫經史桂藩延爲師

著有通鑑纂要諸書

黃廉憲字時可常寧人邑弟子員質樸好學著

作甚富以文章知名

曾喬字子木衡陽人歲貢工舉子業尤長於古

文辭善草書補潯州府推官轉潯南州知州時

母年九十七遂乞休歸養

譚允升衡山人中崇正丁卯庚午兩科副榜著

衡州府志

卷之二十四 人物文苑

十

有近求錄

劉淵混號柏軒安仁人任安肅訓導性坦夷文章手度一時莫及

周希堯號二水鄱縣人南京國子生長於詩兼

以書畫得名

本朝

鄒章周衡陽人歲貢博涉經史與周士儀修衡

州府志又分修湖廣通志並輯臨武縣志母喪

廬墓病卒

鄒定周衡陽人歲貢與章周俱以孝友聞爲東

安訓導刻銘贊舍誘掖甚勤

周士儼字思若清泉人順治甲午貢成均選授內閣中書舍人陞典籍籍以繕書偶誤鑄級御史李之芳疏論其枉奉

命赴部訊本末士儼終不自明引罪如初少宰王清

與大中丞高珩嘉之以為庶幾不怨不尤者照所鑄級補國子學正量移工部司務檢括舊皇莊之隱漏以佐軍興兩計皆書上考以疾卒於官

段嘯生字相山常寧人幼負才高偶有節概為

衡州府志

卷之二十四 人物文苑

十一

童子時吳逆僭號衡州偽官脅之應試嘯生不就偽官以端試之云附於大邑周以吳逆僭號周也嘯生應聲對曰以待天下清康熙乙酉舉於鄉丙戌成進士歷任福建上杭廣東新安兩縣有廉聲以艱歸遂不復仕為文奇縱變幻有相山集行世

王致衡陽人歲貢生年三十始應試工詩文致尚氣節督學咸器之聘修府志垂成卒

胡興稔衡陽人舉人任攸縣教諭言行為諸生模範所撰周禮註疏剖析異義士子遵之

周命圭字摺九清泉人康熙庚午領鄉薦年纔

十九性至孝少孤母鄒苦節茹荼命圭善承母志獲雋後舌耕供養所得館穀皆委諸兄無私貯命圭抱經濟略四上公車不第卒之日年纔

三十有三士林惜之

歐陽紹修字小永衡山人少英備好讀書丁時

離亂奉父母避兵山中定省無違禮父有六子亂平以內外食指多命紹修異居每旦入侍親膳待父母食然後敢歸食夜必待父母寢然後

敢歸寢父母沒喪葬之禮極備其後諸弟中有

衡州府志

卷之二十四 人物文苑

十一

欲蕩其產者紹修掩戶自掘由是感悟平居課子若孫甚嚴家門整肅信義著於鄉里嘗有譚某為竊衆詰之不服紹修至責之以義某俛首曰吾不欲欺歐陽長者遂改行晚益鍵戶課孫手錄古文史鑑謂讀書當得大意每夜焚香以所行告天階前一石瑩然孫正煥官至御史

彭仕商字克家齡子也聰穎絕儔總角文名噪郡邑中康熙庚子鄉試辛丑成進士任黃州府

教授學殖宏富詩古文辭皆臻工妙遊其門者皆成大器鐸黃凡十八年人以比安定先生著

恒農堂古文集曉松吟諸書

蕭士熙衡山人庠生幼警敏涉獵經史善爲詩

戴古文詞修衡州府志衡山縣志

戴日煥字晋元衡山人庠生博覽羣書爲文雅

慕歐會老猶勤學足跡罕入城市邑令張壽崗

聘修衡山縣志

文之理字玉山衡山人庠生屢試冠其曹古文

辭典臚中具有風骨接引後學至老不倦所著

有家禮要歸聚東集

陳其嵩字時南衡山人父世章多隱德其嵩事

衡州府志 卷之二十四 人物文苑

之得其歡心雍正丙午中鄉試丁未成進士改

庶常授編修尋授山東道御史爲文浩瀚汪洋

富於才思卒京邸

謝名驚未陽人邑諸生博極羣書中丞盧震亨

過未詢遺事驚應答如流中丞深重之餽以金

林鳳聲字歧聞衡山人早歲承庭訓力學不倦

歷任學使皆遇以國士躋舉場者數比子學易

授檢討乃澹意科名講求心性學事父母先意

承志孺慕終其身兄弟翁間唱怡怡如也

爲文章一遵先正允爲士林模範尤遠於易學

常有發先儒所未發者與人交刻却城府而律

已特熾足不詣公府歲戊寅太守饒延至石鼓

講席以疾作未赴衡當事鮮不欽慕者

陳方愷衡山舉人歷任四川冕寧石泉威遠三

縣試用知縣著有周易原書禹貢彙考

劉自穎字以上衡山人爲歲貢居家孝敬制行

端方凡程朱精言語錄無不研突作文出入經

史常設帳講學邑令贈有匾額

資一陽字子建未陽人七歲失怙十五遊泮十

八膺選拔每試冠軍文宗周評其文曰眼大如

衡州府志 卷之二十四 人物文苑

箕心細如髮劉評其文曰馬蹄秋水沐浴乎史

漢大家諸生有其恣肆無其精至文載楚南風

始丁未歲試童子郡守張公召之閱卷所取皆

眞才實學獲雋者多惜早逝邑令宗沛劉公誅

之有云以高軒磊落之姿運吐鳳生花之筆其

見重如此

龍盛瑞字景明未陽人少聰穎力學爲文簡勁

日能成十餘藝年十九遊泮尋食餽歷試七冠

軍五入闈不售授生徒甚嚴遊其門者悉著名

之士曾以偃行見焚於當事

賀昌字淑文素陽人幼苦志力學凡古今書籍悉手錄之學使王公兩拔冠軍嘆為三湘未易才聰課藝約千篇遊其門者多所成就以廉隅自飭九躋棘闈終老明經著有四書講義其詩詞雜記彙成一帙自號草堂拙菴

李自超字仲力未陽人幼失恃事繼母甚孝人無間言賦性剛方雖貧而樂善好施鄉有賣妻償債者糾助之精制藝樹幟文壇癸酉擬元以三場失卷見遺邑令張應星愛其文極重之會中丞潘觀風未士擬以第一案發如之惜已赴

衡州府志 卷之二十四 人物文苑

五

玉樓聞者痛之

資九極字天錫未陽人性英敏磊落不羣為諸生食餼屢試優等為人恢闊有氣節雖屢躓科場而手不釋卷歲當貢選而竟不祿仕林惜之周命育字貽來清泉人由進士授寧津令減浮糧裁陋規偶被水災輒請賑濟賴以全活者甚衆改教沅州時承順為苗疆新開府治以命育調司文衡分棚定額皆出其議乾隆十年以憂去起復德安教授所著有鄴湘文集行世年七十卒子二世及訓導世顯庠生

丁一燾字晉昭清泉人由進士選庶常授編修假歸省母時母就養吳江總漕顧琮延掌淮陰書院三年門下士登賢書入詞苑者不一奉母南旋母即世居喪哀毀骨立未數月以疾卒著作甚富以家人不戒於火無存惟澹筠詩鈔行世

蕭子石衡陽庠生名避 廟諱以字行生明季兵燹後家無完書搜敝篋敗簡得以與義澹賈諸家嘗叩鄉賢王介之王夫之鄒統魯李國相之門相講求議理學宗旨著有評註戴記一

衡州府志 卷之二十四 人物文苑

六

本杏園詩集人多傳誦之秉性冲淡而風骨凝然待朋友死生不二

陳賡治字予載衡陽庠生三歲而孤事孀母居窮鄉僅從塾師識句讀年二十始得師下帷發憤管淡食數月不覓益酪究極經義出其門者多知名士持身嚴介而飲人以和門以內無遺行焉著有賓門集未刊

宋劄齡字席雲衡陽舉人初學於父之素父歿師其伯兄義齡於天文地理諸子百家無不究其底蘊窮年著述有四書諸儒會纂詩經尋耕

心堂等集居常敦篤孝友訓飭子孫皆可師法者

劉心忠字一斯先世臨武人以六世祖大司馬堯誨解組居郡論葬於衡遂爲衡陽人而仍籍於臨入臨庠食餼爲人端謹燕居不廢衣冠而樂道人善篤志好學手不釋卷當耄年猶作蠅頭小楷所著有竹園雜記日省錄彞好編諸書嘗雨舉鄉飲

劉靖忠字公則明大司馬堯誨六世孫也籍臨武而世家於衡弱冠入庠雍正元年拔貢敦樸

衡州府志

卷之二十四 人物文苑

七

不染俗器勤學問而廣教育築平山家塾課子姪多有成立從游之士墻舍莫容平生肝膽照人雖面折人過而人皆愛敬之辨析經義澆貫諸書著平山堂集藏於家

宋士莊字整閑生而穎慧學於其父齠齡八歲能文父奇之授以經史日數行下任太康知縣能以經術飾吏治生平不輕言笑不道人過失著述罔間寒暑有霜桐文集雜著詩集整閑時義行世其評騭古今詩文甚夥

周命恩字元一衡陽貢生爲諸生五十餘年家

從四登孝友一堂門無俗客惟問字者踵相接焉衡郡知名士半出其門有通籍者第最以忠蓋不以私干也生平所著詩文多散佚友朋間未獲付梓行世

李穩字辰如衡陽庠生賦性恬靜內行修謹髫齡即喜弄筆翰無他嗜好廿七游洋識者有國士之目屢薦棘闈不售遂絕意科名築晴江草堂朝夕吟咏其中進子弟而訓誨之所著有晴江草堂詩古文集計五十卷已梓行世晴江續集三十卷五經疑義刪訂鑑略共若干卷未刊

衡州府志

卷之二十四 人物文苑

七

而歿士林惜之

袁芳號芬亭清泉人由進士教授岳州著儒學規條十則以授生徒致仕歸猶勤學修篤宗黨俸餘無幾時以周族之貧乏

陳必達字士兼祖籍福建康熙二年父君顯以武功安插衡陽城南必達郡學生膺薦有文善書爲時所稱授徒耒陽多所造就

隱逸

漢

羅訓未陽人隱居邑之樟檜嶺

五代唐

廖凝字熙績衡陽人隱居南嶽李景聘為彭澤

令慕陶元亮高風視事未幾歎曰昔元亮不以

五斗折腰吾何久為人役側愴若輟下駒耶即

致印歸再起為連州刺史尋復歸隱

廖融字元素衡陽人隱居衡嶽與任鵠凌憺王

正己相友善皆一時名士不樂進取不徇勢利

衡州府志

卷之二十四

人物隱逸

十九

陶然山水間

宋

侯彭老耒陽人避暑居獅子巖

元

侯應雷字春卿安仁人不就辟召隱居山中以

詩文自娛所著有春山居士集年九十卒

明

李存字仲公安仁人穎悟該博與貴溪祝蕃遠

遊上饒陳明遠之門有以高蹈邱園舉者三

皆辭朝臣薦之又辭洪武中卒有菴菴集

雷鳴春字以時未陽人由歲貢任南昌縣教諭

與章潢發明易象謂易本因象設教而王輔嗣

得意忘言得言忘象之旨與聖人用意不合因

與潢及黃汝亨姜士昌共定易說未幾棄官隱

於匡廬時遊吳會罕有知者

李國相衡陽人領崇正壬午鄉薦癸未獻賊陷

衡徧率薦紳強以偽職下令不赴者死國相引

刀勢面示不可用會獻忠入川得免徒山谷築

室植桃數株臨池人稱為桃塢先生

郭鳳臆字季陵衡陽人崇正壬午鄉薦隱石僊

衡州府志

卷之二十四

人物隱逸

三十

嶺下竹塢藥欄日吟嘯其中以自娛

夏汝弼字淑直衡陽人時衡湘亂汝弼徃狂遠

蹈或歌或泣有語及時事者即閉目不答後入

九疑絕粒死

王仕璉衡陽人成化間舉賢良方正聞辟即避

郡邑長吏多方諭之終不就辟

伍一生衡陽人隱居石牛山著太極圖說解煙

巖十六帖

李跨鰲字一趙衡陽人十五成諸生經世亂奉

母避祁邵山中時大饑變姓名為人傭耕以給

養尋還衡結茅山麓且夕衣冠侍母舍傍
築室子夜燃松節讀書其中所著詩文臨終盡
燬

伍時美字仁軒未陽人逸於直釣巖因建閣居
之至今遊者吟咏不絕

劉存善未陽人賦性淳樸不善治生產居城市
足跡不履公庭嘗逃醉鄉以全其真有古隱者
風

曹三仁未陽人性嗜酒年九十猶終日操卮不
輟常遠世情自樂其樂類古之逸民

衡州府志

卷之二十四 人物隱逸

三

謝嗣修字淳夫未陽人氣概容與才情超特常
事聘其監軍不就力耕終老

李君培字玉燭未陽人爲明諸生勤於學博雅

端方開西郊文化講授生徒雖盛暑必衣冠卽

狂悖醜橫之輩過齋外必斂容明鼎沸培遂絕

意仕進

楊兆昇字升之未陽人明太學生爲文疎落有

奇氣數應舉不售歸與郡孝廉王夫之而農介

之石岬鄒統魯暨江西羅文止章大力諸先生

友善恒以詩文往來贈答當鼎革之後絕意仕

進菖巾野服種柳栽菊慕陶靖節之爲人恒爲
諸子曰爾曹通經術作興朝有用之士以圖報
稱吾行吾志而已徜徉歲月以卒生六子長歲
貢俱邑諸生

本朝

胡本煌字明遠衡山人爲諸生嘗爲讀書當勵
實行奈何以區區浮文博虛名也因養晦自高
作別墅於楊子峯下名曰覺齋屏跡城市鍵戶
課子笑敖山水間詩文自

謝焜未陽人字君赤如珂次子性孝友敦氣節

衡州府志

卷之二十四 人物隱逸

三

崇禎癸未父殉難焜哀毀晉立兄焜蚤世撫遺

孤如己出乙酉與貢選授袁州別駕隨歸隱

國朝大中丞袁公廓字薦辟之焜以母春秋高辭不

起

謝如玠字二酉未陽人弱冠補弟子員慷慨軒

豁具經濟才以兄如珂殉難崇祀遂益自砥礪

歲甲午經略洪公承疇以幣聘將題請授官玠

以老固辭

黃鼎元字君調常寧人爲文高古典麗栖隱山

南詩酒自娛

李日思字九有常寧人早年以文章知名尤長於詩而絕意仕進歿後人多景仰

衡州府志

卷之二十四

人物隱逸

十一

篤行

六朝齊

何宏衡陽人四世同居共衣食詔表門閭蠲租

稅

宋

黃琪衡陽人賦贖方正常以善行誨人長子師

道為屯田郎中次師且為屯田員外皆以廉幹

聞

胡晏衡陽人性孝友鄉里慕之人有爭不到公

庭多在質焉開館舍延四方賢士迺諸子

衡州府志

卷之二十四

人物篤行

十一

尹沂鄆縣人積學好古嘉定立建臺南書院延

明經以教邑中後彥置田百二十畝以俾祀事

贍生徒一時士風丕變

元

會世榮號育溪衡陽人精於方脉著活効心書

行於世大德丙午衡民不戒於火延及二千餘

家火迫世榮宅四顧無以為計怒懸塵中但聞

人聲喧呼此會世榮宅並力進水百餘器煙止

風收而宅與書板俱得不焚

歐陽子敬字聚德安仁人舉明經授郴縣教諭

學行兼優

明

劉本讓衡陽人敦崇孝友與兄本信立祠堂敘族譜數世同居里人賢之

劉尚義字台卿永樂初邑苦賦役尚義詣明府請寬其政民困以蘇

周誠衡陽人正統三年春載稻七千五百石買於南都經九江安慶值大饑盡以所載賑之有

可以聞賜勅獎諭其家百年建坊旌之
張宗安仁人成化間輸粟賑饑給冠帶

衡州府志

卷之二十四 人物 篤行

五

廖瑣常寧人成化二十年歲大饑輸粟賑濟有司申請旌表賜冠帶

康時匡衡山人性嚴毅勇於爲善倡建義田創義渡賑貧活族自甘蔬水年八十行之不倦

康韞燦衡山人性質樸母喪廬墓哀毀骨立喜施子鄉人藉以舉火者數十家遺麥千金悉焚

之嘗有盜過其門日勿驚善人也縣令彭簪雅敬之

譚道號宏字衡山人敦篤孝友博通經史教授生徒皆知名士

唐祖官鄰縣八品行端正工岐黃之術無貧富

一以至誠治之而弗計財利尤憫恤貧困輒自袖方藥周旋之始終無倦客族黨鄉里媿睦敦

篤拯厄解爭尤汲汲焉
楊明榮字仁甫衡山人以軍籍中貴州鄉試作

別墅於衡山中紫峰下各其山曰此山養晦自高不入公府事親篤孝行謹修飾未嘗褻服見

客山有白龍潭可溉田躬耕其中矍如也
歐陽梧安仁人仕光祿署丞天性孝友篤於宗

衡州府志

卷之二十四 人物 篤行

五

年歲歉梧輸粟千石以賑有司奏聞詔旌之
鄭璜未陽人字廷玉年十八領鄉薦任井研教

諭擢授王府聘試見重藩王畱任久之陞縣尹固辭歸

譚安暉鄱縣人遇歲歉出粟賑濟嘗有偷兒入室安暉覺而起飲之酒贈以金且勸其改行自

新終未嘗言其人
劉伯奇字世奇常寧人事親曲盡色養由明經

任四川銅梁學博所造士多成就致仕歸比閩族黨開成加舉郵屢舉鄉飲大賓憲司特表其

盧

周福昌常寧人舉賢良方正任刑科給事中

聶廷鳳常寧人資性篤實沈潛問學嘗捐金脫

人於難有宿負力不能償者輒焚其券

劉阮友字郎來衡陽人有孝行學使高世泰優

獎之

畢應福字肖松衡陽人嘗於道拾遺金二十兩

沿途揭帖招失金者還之數日失金人至悉給

之其人感泣去

劉際炎字黎軒臨武籍衡陽人值歲大饑為粥

衡州府志

卷之二十四

人物篤行

七

以食饑民活萬餘人撫按具疏加四品服

華光國字文巖衡陽人歲貢早失父母育於祖

祖沒以腴產讓伯父歲饑以穀二千餘石給族

里

周德號子憲安仁人授武陽縣丞性剛直取與

不苟

徐廷相字惟吉衡陽人歲貢性孝友授萍鄉訓

導二載乞歸養母盡歡

曹國光耒陽人歲貢生博學有品見鄉人爭輒

往平之莊墅杉千株為鄰火延燒殆盡鄰人願

償光慰遣之其長者行類如此年九十六卒

康希上衡山人為人重厚淳樸

吳明試衡山庠生品行端方年登九十

喻禮衡山人居心樸誠年登九十

劉賢鄱縣人由太學授豹韜衛經歷六載致仕

歸平生篤於孝行所守清白勸人息訟人多稱

之

趙永城衡山人生平慷慨壽享九十有七

陳裕衡山人以德行屢舉鄉飲

唐登化衡山庠生文行兼優

衡州府志

卷之二十四

人物篤行

天

曹鳳朝衡山人以德行舉鄉飲七次

曹克岐衡山人以德行舉鄉飲二次

劉擢祖字文裔鄱縣庠生學行兼優生平所行

無不可對人語者嘗論趙清獻焚香告天事曰

是人皆可能也為人內介而外通郡邑名流皆

競把臂云

鄭尚仁衡山人以德行舉鄉飲二次

劉必騰衡山人簡默修身作事不苟年至八十

戴月衡山人以德行推舉鄉飲二次

羅森衡山人鄉閭稱為長者曾舉鄉飲二次